

絳縣志卷之二

山川 水利附

太行山在縣東二十里山極高險西北諸山多其支
脉隸縣境者高五里盤踞十里東連紅嘴溝南連
轍水霍西連暗峒溝北連石崖有一峯山半有石
洞雲時飛出

絳山在縣西北二十里按聞喜曲沃縣高二里盤踞
六里有西南北三峯北峯尤高一名紫金山草木
不生土色俱赤縣以此取名焉 通志山下有碑

絳縣志

卷之二 山川

水產鐵 按漢書地理志註云石鐵官唐書地理
志註云有鐵卽此地也今無

華池山在縣東十五里高二里盤踞五里東連神溝
南連長嶺西連石匣溝北連廟坡有一峯

焦山在縣西南二十里山南屬聞喜山北屬絳縣地
湫池山在縣南十五里高二里盤踞五里東連坑兒
溝南連橐駝腰西連崔家凹北連錢家嶺有一峯
上有湫池建龍王祠

筆架山在湫池山之西山有三峯形如筆架故名爲

絳邑文筆峯乾隆乙亥年邑令徐汝泰於峯其上
太陰山在縣東南十五里高五里盤踞十二里東連
楊家峯南連石崖西連西蒿池北連胡嘴坡中有
一峯崖壁峭絕陽光不及

歪頭山在縣東六十里遞高五里盤踞七里

沙峯在縣東三十里壁峯峭絕

陳村峯在縣東南十五里 舊志太陰中條兩山間

帶溪水發源處也又通垣曲縣界

紫家峯在縣東南十五里

絳縣志

卷之二 山川

二

青凌山在紫家峯多虎

舊志無載通志

冷口峯在縣南十五里四時多風盛暑恒冷故名

續魯峯在縣東北五十里通沁水縣界

河王峯在縣東三十里通沁水縣界

存雲嶺在縣南三十里高三里盤踞五里南連關牛

嶺西連胡凹嶺北連連家嶺一名鳳凰山有姜嫄

塚建廟秩祀見祠廟

橫嶺山在縣南四十里高一里盤踞四里山存土石

東南跨垣曲縣界名大橫嶺開喜東南九十里乃

小橫嶺七山下有三泉多白石名白石河

教山 金史地理志絳石大陰山教山絳水 明史

地理志東南有教山 舊志不載見通志

黍葭谷

清野山

哈口 舊志無見通志

絳水發源城西溝中至楊村十里引渠溉田 水經

註澮水又西南與絳水合水出絳山東至寒泉奮

湧揚波北注懸流奔壑十一許丈青崖若點黛素

絳縣志

卷之二 山川

三

湍如委練望之極為奇觀矣其水西北流注於澮

應劭曰絳水出絳縣西南蓋以故絳為言也 通

考有絳水 明一統志智伯言絳水可灌安邑即

涑水上流也

涑水發源縣東南十五里自陝村峽東出伏流地中

至柳莊復出居民溉田西流入聞喜界 水經涑

水出河東聞喜東山黍葭谷 水經註涑水所出

俗謂之華谷至周陽與洮水合水源東出清野山

世人以為清襄山也其水東大嶺下西流出謂之

哈口又西合涑水 明史地理志經聞嘉夏縣案
邑等縣至蒲州入黃河

澮水在縣東北四十五里發源翼城縣東北龍爪溝
東流二十里至大交鎮又至鎮西三里合故郡水

復流至翼城合雲莊二里又至絳州入於汾 當是澮交

入澮之水 明史地理志卷之二十一 絳州 烏嶺山舊志在

發源大交誤

沸水發源縣北十五里經山下村名沸泉 絳水

沸泉溢為池方廣半畝池底泉無算涌而突上北

絳縣志

卷之二 山川

四

至沸泉莊水出石罅流寢巨又北流半里至曲溪

景明村界趨青玉峽

帶溪水在縣東南二十里發源陳村峽諸峯間約

五里出村西周圍濼池若環帶故名

迺溝水源出縣東八里王家壑坡下北流入曲沃

村莊

拔劍泉在縣東四十里晉峽莊相傳晉文公覽劍於

而得泉後涸

龍泉在縣東五十里東西賀水村灌田合大交鎮

澮水

故郡水出縣東北四十里故郡莊方二畝其深不測
分三渠一故郡一陳景一澮交俱可灌田同流
澮水
馬跑泉在縣西十里楊村其旁有太陰將軍祠雖旱
不涸潦亦不流

教水出教山 按明史地理志云東南有教山教水
出焉卽乾河之源也

蓮池在縣治南城下有水一泓每新雨初漲羣鳥戲
絳縣志 卷之二 山川 五
浴頗饒勝致

青凌池在縣東官莊村心寬有四畝中深二尺雖久
旱不竭嚴冬時滿池皆凍有一處其圓如月清水
瀏亮獨不凝結或以手動之則其處忽合而別移
他處復開一口如故

水利附

頭鄉

楊村莊絳水發源西門外西溝西楊北楊二村瀕水
用設渠北楊村正月起七日止西楊村八日

二十六日止遵水碑輪漑周而復始

冷口峇水泉發源橫嶺關東西冷口朱莊三村瀕水田設渠東冷口月一日起四日止西冷口宋莊五日起十一日止遵水碑輪漑周而復始

西棗家莊水泉發源縣境周家莊趙村莊崔必莊溝內西棗家莊柳莊二村瀕水田設渠水程以十二日為度西棗家莊使水七日三月一日起六日止七日為滲潭水柳莊使水三日八日起十日止十一十二日又西棗家莊使水遵水碑輪漑周而復

絳縣志

卷之二 山川

六

始

三鄉

大郡莊大交鎮澮河發源大郡莊南大郡大交二村瀕水田設渠水程以十一日為度大郡莊正月一日起六日止大交鎮七日起十一日止遵水碑輪漑周而復始

賀水莊玉龍泉發源賀水莊村西賀水陳景二莊與翼城縣中賀水西賀水西莊裏等村瀕水田設渠水程以四十日為度絳縣賀水莊二月二十五日

起引漑一十六日翼城中賀水村引漑九日西賀水村引漑十日西莊裏引漑三日絳縣陳景莊引漑二日遵水碑周而復始

四鄉

范必莊水泉發源莊境東南瀕水田設渠由上及下輪漑

玉龍泉出東北五十里東賀水村之西漑賀水莊田餘水順流而西漑翼城中賀水西賀西莊三村田餘水又漑絳縣陳景村田有水程

絳縣志

卷之二

山川

七

沙峇雨水東三十里雨水暴漲居民引漑田續魯峇雨水東五十里亦通沁水漑田頗廣

按舊志云環絳皆山僅供薪樵遠山有水惟資隣灌然則絳之水利微矣雖由地勢使然而宰斯土者宜思蓄泄之方廣灌溉之利民瘼庶有瘳乎

風俗 土俗

詩經唐風集傳其地土瘠民貧勤儉質樸憂深思遠有陶唐氏之遺風焉

左傳季札觀樂爲之歌唐曰思深哉其有陶唐氏之遺民乎不然何憂之遠也非令德之後誰能若是史記水深土厚性多剛直好氣任俠當全晉之時習已知其剽悍矣

前漢書地理志參爲晉星其民有先王遺教君子深思小人儉陋

絳縣志

卷之二

風俗

八

隋志絳郡文城臨汾龍泉西河土地沃少瘠冬是穀傷於儉嗇其俗剛強

柳子厚晉問儉則人用足而不淫讓則遵分而進善其道不鬪謀則通於遠而周於事和則仁之質介則義之實恬以愉則安而久於其道至乎哉

朱子詩注唐俗勤儉故其民間終歲勞苦不敢少休及其歲晚務閒之時乃敢相與燕飲爲樂

豐城朱氏詩說唐俗勤儉勤者生財之道儉者用財之節聖人教人不越乎勤儉而已

又獻通考河東魏晉以降文學盛興魏豐樂侯杜君

置學官親執經教授郡中間里之間習於程法幾為河東守開

宋史地理志其俗剛悍而樸直勤農織之事業寡桑

柘而富麻苧善治生多藏蓄其靳嗇尤甚

郭子章晉論古之帝王更都河讀園桃園棘故其

民至於今憂國而忠於上有樞有榆故其民至於

今喜樂而愉瞿瞿休休故其民至於今長慮而却

顧陟岵陟屺故其民至於今拳坎坎閑閑故其民

至於今力穡且葛屨見陘隘焉彼汾見貧儉焉

絳縣志

卷之二

風俗

九

山西通志其性頗淳其俗尚儉間有剛愎好訟者

平陽府志民勤生業尚義好儉

舊志男力農工女勤紡織慕節義戒奢華官遊者耻

封殖致政後多貧素如寒士而服用簡樸尤為俗

之美者

土俗附

絳俗婚禮槩從儉約定親時遣媒說合議既定擇吉

致啟止備衣冠釵環等物為定婚之儀至納幣時

官者送油送麵駕車送豆穀備食盒或三架五架

不等肉載各色衣服布帛菓品菜蔬貧者亦備糲
奩首飾遣人致送娶媳至家女伴伴其行禮拜堂
禮賓拜舅姑及伯叔姻戚次日乃拜隣里新郎新
婦並不同拜亦不交拜至元旦郎家蒸棗裹煮油
食備各樣菜蔬菓品至女家以次行禮名曰拜新
節元宵女家亦備蒸油菓品送至郎家名曰送饅
以後親戚往還如常

絳俗喪禮親歿卽日入殮訃告親友設靈堂畫雲霞
寫功布製銘旌貧者稍減次日晚備紙馬銀錢同

絳縣志

卷之二

風俗

十

親友告廟哭泣而退謂之燒紙開弔七日至第七
日設品祭奠謝客每七日皆有祭至七七日及五
十日祭物稍倍平時出殯日富者卜地制墓而外
多設幢幡備饗道路祭作佛事扮劇喪家帷帳俱
用白布與貧家無異葬殯或暫或久不一

絳俗祭禮寒食忌辰春秋祭祀家家俱有而有祠廟
者甚少或爲墓祭或同堂異龕概從儉樸三年脫
服及虞祭士夫之家亦間有之

正月元旦早起放爆竹貼門神對聯掛桃符祀天地

衆神家堂神及祖宗三代家家互相拜賀 元宵
祀神祭祖如元旦十六日婦女登城遊賞名曰遊
百病各處祭火神設鰲山演戲放燈喧鬧徹夜城
市爲多鄉村亦間有之 二十日煎餅祀神敬祖
放烟火減於元宵置煎餅於糧囤名曰添倉夜不
張燈呼爲鼠忌

二月初二日爲龍抬頭各家皆祀土地神 初三日
祀文昌帝君各街鄉莊行春祈事或前或後不一
其時春分日釀酒醋 二十五日坡下老君廟設

絳縣志

卷之二

風俗

十一

香火會裝社夥演雜劇招集販鬻各色貨物置買
甚便四社一十八村輪流辦事餘莊不隨

三月清明各家墓祭添土名爲家封親戚互送紙盤
穀兩日畫符貼牆或以灰酒酒牆俗名禁蝎

四月一日蒸十穀食取茵陳或苜蓿和麵蒸菜揷皂
角葉或佩頭帽以却諸病

五月五日飲雄酒懸艾貼虎符用葦葉或竹籜包棗
糯黍米爲角黍繫五綵線婦女小兒佩硃砂袋以
避惡

七月七日家家蒸食男送麵硯臺麥績女送麵針線
筐設祭物童男女乞巧或舉或否不一是日曝衣
曝書 中元薦麻穀佐以盤羞烈楮祖考主前以
告歲功姻戚互送紙盤農家用盤紙焚香郊外以
祀穀神

八月十五日陳瓜菓蔬菜望月羅拜畢劇飲或半夜
或終宵縉紳家間有饋禮

九月重陽節或備酒食夥飲或攜酒食登高採菊花
而歸

絳縣志

卷之二

風俗

十一

十月一日用麵做扁食祭祖先亦有墓祭者畧同清
明裁楮象衣謂之送寒衣 十五日社祭謂之閉
神門又謂之小年節

十一月冬至官屬在太微宮朝賀縉紳及各書館師
弟相賀拜節其餘諸人亦間有之

十二月五日和五種豆及米作飯名五豆粥 八日

置豆腐及果品於飯中名臘八粥 二十三日晚

設麵餅及餻瓜祀竈神 二十四五六日掃舍宇

蒸食煮油食 除日換門神新桃符貼對聯以備

元旦富者用五辛作盤老雜團飲爆聲達宵呼爲
守歲

絳縣志

卷之二 風俗

十三

物產

穀屬

稷 一名稌月令章句稷秋種夏熟歷四時備陰陽
穀之貴者 高誘曰關西謂之糜冀北謂之黍即
詩維糜維芑轉音也說文糜稌也廣雅黍稌也
則稷也稌也糜也名殊而實一也 爾雅翼稷者
五穀之長

黍 苗穗胥似稷而大實圓重土高燥者宜黍黍
大暑種故謂之黍 李時珍曰黍稷一類而二種

絳縣志

卷之二

物產

古

酒 黏者為黍不黏者為稷有黃白赤黑四種胥可
酒

稻 詩豳風十月穫稻 爾雅翼一名稌稻宜于水
田有稷穉秬三種稷不黏可為飯穉黏可為糕用
以釀酒尤佳秬比于稷小而尤不黏其種甚早十
人號秬為早稻稷為晚稻

穀 即五穀中之梁也脫殼則為粟米亦曰小米
許慎曰今北人呼為穀穀有早穀晚穀二種

麥 有大麥小麥蕎麥三種大麥有露仁不露仁

種小麥有火麥黑芒紅麥白麥和尚麥諸種蕎麥
夏秋種性寒宜邊地有紅黑白三種

豆 卽菽也有八種黑豆豌豆黃豆豇豆扁豆
小豆白豆

芝麻 色白沈存中筆談胡麻卽今油麻古者中國
止有大麻漢使張騫始自大宛得油麻故名胡麻
玉蜀秫 其苗葉胥似高粱穗如秕麥葉傍別出一
苞垂吐白穎久則苞拆子出顆顆攢簇俗名玉秫

醴屬

絳縣志

卷之二

物產

五

燒酒

黃酒

柿酒

貨屬

絲

布

氈

蠟

絹

油

麻

蜂蜜

木炭

綿花

紅花

蔬屬

韭

葱

蒜

芹

莧菜

有紅白
紫三種

蒿苳

菊

菊

菊

苦苣

苣荬菜

菠菜

蘿蔔

胡蘿蔔

木耳

蘑菇

蕻菁

一名蕻菁
一名請蕻菜

瓜屬

王瓜

冬瓜

南瓜

西瓜

蕭翰使西域得種歸有三種一種黑皮黃瓢絳子一種綠皮紅瓢黑子一種綠皮紅瓢紅子

北瓜

絲瓜

菜瓜

木瓜

香瓜

葫蘆

絳縣志

物產

瓠也
瓠瓠

果屬

核桃

沙果

桃

杏

柿

羊棗

萍果

李

棗

酸棗

梨

葡萄

木屬

松

柏

桐

桑

柳

楸

椿

槐

榆

青楊

白楊

銀杏

花屬

牡丹

玉簪

石竹

木梨

月季

芍藥

金盞

棣棠

木槿

萱

薔薇

玫瑰

鳳仙

蘭

蜀葵

海棠

有貼幹垂絲諸種又有秋海棠

山丹

絳縣志

卷之二

物產

七

水紅

即蓼

雞冠

藍菊

菊

蓮

紫荊

石榴

草屬

苜蓿

蓬蒿

艾

藥屬

車前

草烏

牽牛

木通

芫花

枸杞

荆芥

桔梗

蒼朮

遠志

甘菊

小柴胡

花椒

香附子

金銀花

菖蒲

羽屬

雞

鵝

鴨

雉

鴿

雁

鵲

鳩

燕

鳶

鴝鶒

布穀

雀

杜鵑

啄木

神縣志

卷之二

物產

犬

鴉

喜鵲

鷓鴣

鷹

鵙

石鷄

俗名油葫蘆

毛屬

馬

騾

驢

牛

羊

犬

貓

猪

虎

豹

狼

麋

猴

獾

兔

鼠

狐

狸

鱸屬

鯉

鯽

鱸

鮎

介屬

螃蟹

蚌

鱉

蟲屬

蟋蟀

蜻蛉

螽

蟬

蝸

蝴蝶

蜘蛛

蠶

蛇

絳縣志

卷之二

物產

九

守宮

螳螂

蟻

蛸蠟

蝦蟇

蝮

蝸牛

金石屬

金精石

銀精石

石炭

藁膽礬